

**MESYUARAT PERTAMA PENGGAL KETIGA  
DEWAN UNDANGAN NEGERI PULAU PINANG  
YANG KELIMA BELAS  
16 MEI 2025**

**PERKARA : 5(B)19**

**SOALAN LISAN OLEH AHLI KAWASAN BAGAN JERMAL  
YB CHEE YEEH KEEN**

19. Mengenai program *sports tourism* di bawah portfolio PETACE (Penang State EXCO Office for Tourism and Creative Economy).
- (a) Apakah program *sport tourism* yang telah diusahakan dan dalam perancangan oleh EXCO PETACE?
  - (b) Apakah usaha dalam dan luar negara untuk meningkatkan potensi *sport tourism* di Pulau Pinang?

**YB WONG HON WAI  
MENJAWAB BAGI PIHAK YAB KETUA MENTERI**

19. (a) Buat masa ini, terdapat dua acara utama pelancongan sukan yang dianjurkan di Pulau Pinang oleh Pejabat EXCO Pelancongan dan Ekonomi Kreatif (PETACE) iaitu *Penang Bridge International Marathon* dan *Penang International Dragon Boat Regatta*. Kedua-dua acara ini mendapat sambutan daripada peserta dari seluruh dunia.

Pada tahun 2024, Pejabat EXCO PETACE telah membuka lembaran baru dan memberikan nafas baru serta tenaga segar

kepada kedua-dua acara ikonik tersebut iaitu berpindah ke tapak baru dengan sinergi bersama pihak swasta.

- (i) Larian Maraton Antarabangsa Jambatan Pulau Pinang buat pertama kali dalam sejarah bermula dari Seberang Perai (Aspen Vision City di Batu Kawan) dan larian berlangsung atas Jambatan Sultan Abdul Halim Mu'adzam Shah (Jambatan Kedua Pulau Pinang) dan dijenamakan sebagai larian jambatan terpanjang di Asia Tenggara. Larian ini berjaya menarik penyertaan melebihi 22,000 peserta dan merupakan acara sukan terbesar di Utara Semenanjung Malaysia.
- (ii) Pesta Perahu Naga Antarabangsa Pulau Pinang menempah sejarah pada tahun 2024 apabila dipindahkan dari Empangan Teluk Bahang ke Straits Quay Marina. Acara ini disertai 61 pasukan dari 12 negara. Jumlah peserta ialah 1600 orang dan lokasi baru tersebut mesra rakyat dan jauh lebih ramai penonton berbanding tahun-tahun lalu.

Selain itu, terdapat cadangan untuk program pelancongan sukan baharu dianjurkan di Pulau Pinang seperti larian jarak

jauh, berbasikal jarak jauh, berenang dan kombinasi aktiviti sukan tersebut dari pihak swasta. Kerajaan Negeri bersedia bekerjasama dengan pihak swasta untuk memelopori idea-idea tersebut dalam usaha merancang lagi pelancongan sukan di Pulau Pinang.

- (b) Kerajaan Negeri dan agensinya berusaha menambah baik dan meningkatkan prestij acara sedia ada yang dilaksanakan setiap tahun. Sebagai contoh, Kerajaan Negeri telah mengadakan lawatan rasmi ke acara seumpama ini di luar negara dalam usaha menarik lebih ramai penyertaan. Pada tahun 2024, delegasi Kerajaan Negeri telah berkunjung ke Hong Kong untuk bertemu dengan syarikat penerbangan dan juga menghadiri *Hong Kong International Dragon Boat Races* (HKIDBR) 2024. Pada masa yang sama berinteraksi dengan pasukan-pasukan antarabangsa yang hadir di HKIDBR 2024 untuk mempromosikan *Penang International Dragon Boat Regatta* 2024 untuk menarik penyertaan mereka.
- Selain itu, delegasi Kerajaan Negeri telah membuat promosi pelancongan di Xiamen, China dan mengambil kesempatan untuk menyaksikan *Xiamen Marathon 2024* yang disertai lebih

30,000 peserta *full marathon*. Pengalaman dan sesi *networking* semasa menyaksikan acara besar antarabangsa ini telah memberikan kelebihan kepada penganjuran acara pelancongan sukan di Pulau Pinang.